

Zenita Fazlić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Zenita Fazlić
Naziv Teme	Austro-Ugarska politika prema Bosni i Hercegovini pred početak Prvog svjetskog rata (1912-1914)
Rezime/Abstract	<p>Austro-Ugarska imperijalna balkanska politika se početkom 20. stoljeća prelamala preko Bosne i Hercegovine kao njene zasebne balkanske administrativno-upravne teritorijalne cjeline (corpus separatum). Bosna i Hercegovina je imala veliki strateški značaj i ulogu za njena balkanska osvajanja, što je posebno došlo do izražaja nakon teritorijalnog proširenja balkanskih saveznika na račun Osmanskog carstva u toku Prvog balkanskog rata. Umjesto oslabljenog Osmanskog carstva na pravcu njenih osvajanja našle su se iz balkanskih ratova ojačane kraljevine Srbija i Crna Gora. Austro-Ugarska je pripremajući se za rat sa susjednom Kraljevinom Srbijom potpuno pacificizirala Bosnu i Hercegovinu kojoj je namijenila ulogu neposrednog ratnog zaleđa. Tom cilju su podređena sva značajnija politička i privredna kretanja koja su usmjeravana od strane vojne uprave kao eksponenta austrougarske militarističke politike. Pošto je i Kraljevina Srbija imala teritorijalne pretenzije prema Bosni i Hercegovini, ona je i u njoj kao i na ostalim južnoslavenskim područjima Monarhije, vršila intenzivnu antiaustrougarsku odnosno velikosrpsku propagandu. Time je položaj i uloga Bosne i Hercegovine, u svim tim sučeljavanjima interesa koji su značili otimanje za njenu teritoriju, postajao sve značajniji za obje strane. Svim tim prevažnim pitanjima u bosanskohercegovačkoj historiografiji nije posvećena odgovarajuća pažnja i značaj. Da bi se ta praznina bar u određenoj mjeri ublažila, pristupilo se izradi ovog magistarskog rada, sa osnovnim ciljem da se na osnovu historijskih izvora prvoga reda i objavljene historiografske literature, korištenjem historijske metode, istraže i utvrde uzroci, tok i posljedice stanja i odnosa u Bosni i Hercegovini (i oko nje) u predvečerje Prvog svjetskog rata. Pri tome su korišteni objavljeni i neobjavljeni arhivski i drugi izvori, kao i relevantna bosanskohercegovačka i druga historiografska literatura. Rezultati istraživanja su, u skladu sa historijskom metodologijom, predstavljeni u tekstu ovog magistarskog rada i dati na ocjenu mentoru a potom i ostalim članovima komisije. Ovaj magistarski rad napisan je na 93 strana a u okviru šest poglavlja. Nakon nezaobilaznog uvodnog (prvog) dijela u kojem su predstavljena neka metološka pitanja odabira i izrade ove teme, sama tema je historiografski obrađena u okviru četiri zasebna poglavlja i to: Politička prestrojavanja i austrougarska balkanska politika do balkanskih ratova, Uticaj balkanskih ratova na politiku evropskih sila i Austro-Ugarske prema Balkanu, Uobličavanje austrougarske ratne politike i njeno manifestiranje u Bosni i Hercegovini u godinama pred početak Prvog svjetskog rata i Politička prestrojavanja bosanskohercegovačkog stanovništva u godinama pred početak Prvog svjetskog rata. Kao zasebno i posljednje (šesto) poglavlje uobličen je Zaključak, u okviru kojeg je data sinteza u radu prezentiranih stajališta i ocjena. Na kraju rada je dat popis korištenih izvora i literature.</p>
Datum	15.06.2016
Predsjednik	Dr. sc. Adnan Jahić, vanredni profesor izabran za užu naučnu oblast „Savremeno doba“, Filozofski fakultet Univerziteta u Tuzli
Mentor	Dr. sc. Sead Selimović, vanredni profesor izabran za užu naučnu oblast „Savremeno doba“ Filozofski fakultet Univerziteta u Tuzli
Član komisije	Dr. sc. Senaid Hadžić, vanredni profesor izabran za užu naučnu oblast „Novi vijek“, Filozofski fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	Dana 15.06.2016. godine u 11:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.